

愚

齋

存

稿

愚齋存稿卷第五十八目錄

電報三十五

寄江督劉峴帥蘇撫恩藝帥

劉峴帥來電

恩中丞來電

寄江督劉峴帥鄂督張香帥贛撫李勉帥湘撫俞廩帥

峴帥來電

常州惲松雲中丞來電

南昌李勉帥來電

寄峴帥香帥勉帥

寄常州惲中丞

峴帥來電

寄甯劉宮保蘇恩中丞陸方伯

張香帥來電

寄張香帥

又

香帥來電

寄外務部

外務部來電

又

寄外務部

又

又

外務部來電

寄外務部

又

北京英薩使來電

岑雲帥來電

寄太原新簡川督岑雲帥

寄外務部

外務部來電

又

寄外務部

外務部來電

寄外務部

長沙俞廉帥來電

外務部來電

寄外務部

寄天津袁慰帥

寄外務部

外務部來電

寄外務部

又

又

寄川督岑雲帥

岑雲帥來電

寄長沙俞廩帥

俞中丞來電

寄俞中丞

寄津袁宮保

寄濟南周玉帥

寄外務部

周玉帥來電

又

寄周玉帥

寄外務部

長沙黃花農臬使來電

俞中丞來電

寄俞中丞

外務部來電

寄慶親王

寄外務部

寄北京外務部天津袁宮保武昌張宮保

袁宮保來電

寄袁宮保

寄濟南周中丞

袁宮保來電

王中堂來電

又

外務部來電



愚齋存彙

卷五十八目錄

四

又

愚齋存彙卷第五十八

電報三十五

寄江督劉峴帥蘇撫恩藝帥

光緒二十八年五月初七日

歌電請借漕以濟民食昨官紳會商已由袁道另稟惟米短價高眾論必須借漕二十萬平糶擬定價六元買補如年歉虧折必須有人認賠上海留米五萬石官紳預認賠五萬元各州縣領米亦須該州縣官紳認繳每石一元屆時如可不賠仍卽發還尊意然否乞復

劉峴帥來電

五月初七日

借漕濟急誠爲善策惟前請減運南漕奉有兼顧

京師 諭旨未敢再行瀆請不獨捐賠未籌的款  
將來買補恐致缺誤也已電飭滬道另行妥籌稟  
辦

恩中丞來電

五月初八日

宮保關心民食復允捐價萬元無任欽佩正在商  
議電復頃接劉宮保電知已電復尊處敝處自應  
遵照以免兩歧

寄江督劉峴帥鄂督張香帥贛撫李勉帥湘撫俞廙帥  
五月初八日

總辦萍礦張道贊宸因公在滬接萍鄉縣顧令家相電

稱前拐割案初出相卽抱隱憂知必疑及洋人現雖獲  
匪正法而謠言日甚舉國若狂咸指礦局官錢號收買  
所割人心安源煤井窩藏拐匪明係匪徒乘機圖搶而  
紳士尙有信之者事機萬分危急又據萍醴鐵路總辦  
薛道鴻年及礦局委員盧洪昶王恂電稟萍鄉疊出拐  
匪殺小孩剖孕婦慘不忍聞地方前獲一匪送縣據供  
姓洪貴州生員身旁搜出符呪皆迷幼童術現已正法  
而城鄉謠言日重竟指拐匪係路礦洋人所使有謂迷  
割幼童心腎皆藏在安源煤井者有捏造官錢號爲大  
王堂預爲增添筆畫改建天主堂地步地板下收藏孩

屍者顯係匪徒圖搶起事勢甚危迫等情萍鄉爲兩省  
七縣交界光緒十八年土匪起事大兵痛勦甫平戊戌  
春奏辦煤礦派洋礦師等前往因勢利導地方安靖自  
庚子拳匪禍起該處匪徒連年滋釁仇視路礦洋員動  
謠殺害報復去夏幸承諸帥竭力維持消弭巨患今因  
拐案疊出竟指爲洋員所使并謠礦井內窩匿拐匪收  
藏幼童心腎官錢號亦收買心腎收藏孩屍查該號並  
無大王堂字樣而捏言改建天主堂地步此等無稽謠  
煽直與拳匪行爲無異紳士尙有信之者更屬奇駭若  
不迅速嚴拿匪徒盡法懲治萬一洋員被害錢號被搶

恐釀鉅禍應請峴帥勉帥急電袁州府萍鄉縣一面嚴  
拿造謠生事之徒訊有確供懲一儆百並嚴電防營日  
夜認真彈壓一面切實出示息謠解惑倘礦路洋人官  
錢號銀錢稍有疏虞定惟地方官防營暨附和之紳士  
是問醴陵密邇萍鄉路工喫緊洋員在彼并懇香帥廩  
帥飭令地方營縣防護就近派兵赴萍會同嚴拿彈壓  
急切叩禱盼速電復

峴帥來電

五月初九日

借漕濟糶已籌定賠章必可無誤運解具徵蠲籌  
周密滬上米價袁道來電已漲至九元有奇事在

至急自應仍照尊處歌電奏請撥借二十萬石以資接濟卽請公摺銜譯發惟各屬雖均需米緩急不同應飭願領者認繳賠款不願者聽請多發少事亦無礙能於電奏內稍參活筆似較妥洽仍希察奪示復

常州惲松雲中丞來電

五月初十日

病久未能修候歉甚河工用絀賴尊處撥款六千得以漸次竣事造塔合尖澤潤桑梓洵大德也惟目前更有至急之事不得不商諸我公吾鄉食米將罄市價騰踊已至六元四角勢尙有漲無落貧

民小戶力旣不支而米肆無十日之儲零售亦竭  
蹶人心惶急時有訛言昨府縣議辦平糶然倉穀  
不及兩萬礱碾非特需時正值農忙礱工尤難多  
僱且鄰省多禁出口旁近米價尤昂購採無從相  
顧束手頃據兩縣來函備述各情並稱新聞報載  
及盛宮保允商督撫憲借撥漕米十萬石分撥平  
糶秋後買新米歸還似此義舉實於時局有裨某  
等擬請撥濟萬石派商赴滬領回發糶匝月後照  
奏定解司庫折漕價備庫平足銀解送宮保行轅  
以便秋後採辦補償特恐稟牘稽遲緩不濟急又



聞宮保夫人上年曾發善願籌米十萬石待濟急  
需樂善好施內外同德可否仰懇憲台電商宮保  
准撥借漕萬石先行開糶續撥善願萬石以資接  
濟計自本月起至八月見新爲度城鄉所需甚鉅  
某等一面趕碾倉穀一面設法勸借陸續購採冀  
糶事不廢半途以體憲台與宮保顧全桑梓之意  
而靖人心等語詞意懇切籌畫精詳一片苦衷實  
堪嘉佩因思我兩人憂時濟物夙有同心以弟兄  
之愛常懷師友之箴規在鄉邦豈容忽視戊戌年  
吾鄉平糶全仗提挈里人至今感頌現在名位日

峻時望益高此事推舉誠無多讓翼殘喘僅存不問外事而目擊艱危情狀究不敢拘守緘默上室善緣聞令兄柏翁已有函達舍弟亦有電陳務懇俯徇兩縣之請迅賜電復玉成此舉俾得迅速開辦不勝禱盼

南昌李勉帥來電

五月初十日並致劉峴帥

杏翁庚佳兩電均悉前據顧令稟獲匪犯洪信誠當經飭府訊明正法今電所云各節未據該令電稟敝處不知其是何用意現已電飭該令會營嚴拿造謠生事匪徒訊明懲辦倘有疏虞定惟該令

是問並飛札飭派袁州府姜守親往彈壓以靖地方

寄峴帥香帥勉帥

五月初十日

頃虞帥電復萍鄉謠言頗重醴陵獲匪僧寬圓供據確  
繫電飭正法後譌言頓息刻仍嚴飭搜捕餘匪並飭楊  
讓黎派隊赴萍會辦昨復添派健字全營赴醴巡哨暫  
紮萍醴交界何處有事即可馳往防護云醴陵如此布  
置已可放心萍鄉營縣想勉帥亦已嚴飭聞裴令十二  
到任此等匪徒只須拿辦數人似不難了結

寄常州惲中丞

五月十一日

承詢漕糧折價前奉 旨京倉需米督撫不敢再請弟  
改議借漕還漕俟奉准院司當有通飭滬市價逾八元  
公擬機碾次白定價六元官紳另捐一元存銀行購新  
補運有餘退還不足捐補武陽能否照辦候示敝處平  
糶十萬安有此說謠言可哂令弟家兄同覽

峴帥來電

五月十三日

借漕已奉 旨允准另行恭錄咨達惟金陵省城  
現在亦因米少價昂設局平糶且轉瞬科場士商  
雲集人口頓增數萬需用食米尤多不得不寬爲  
籌濟此次借漕既有十五萬石之多應請提存四

萬石以便甯省前來請領至爲感禱候電復

寄甯劉宮保蘇恩中丞陸方伯

五月十四日

借漕十五萬石滬留五萬甯留四萬常州一萬只剩五萬石卽請方伯飭各縣備價具領將來若由州縣還米誠恐歲歉價昂或有事故追賠爲難聞蘇屬正漕以截留折價十萬彌補之外尙欠數萬至今未交電 旨嚴切何可延誤似應仍照原奏責成招商局會同商務公所買還起運以重根本峴帥佳電各屬緩急不同應飭願領者認繳賠款不願者聽自當照行宣遇電聲明官商會議定價六元又預備捐賠一元現擬核減願領者

先行繳價五元五角並繳預備捐賠洋五角如歲歉價昂不敷則捐賠有餘則儘數歸公以備撥振商局發米當以繳價先後爲準發完卽止除咨行外可否卽乞電示

張香帥來電

五月十六日

粵漢鐵路會奏稿頃已接到前美總辦來見據稱此路興工由鄂湘粵三處趕辦當囑其將武昌至長沙一段先行趕竣彼已允許今奏稿云議由廣州入手則何年方能到鄂與盧漢接通大與本意不合且由武漢先接通長沙六百餘里此路無高

山大河費省工速若鄂湘兩端並造不過六七箇月即可行車實於盧漢有益竊以爲必與尊意相合即使不能三處同時並舉亦必須鄂粵兩頭開辦方可此路辦事權限最關緊要故於見美總辦時已遵照來電切實訂囑此路必須全歸中國美國兩國之人管理上海及鄂省總局洋人中國惟認美國人彼答云斷斷不用他國人今咨送奏稿未蒙將合同錄示所有權限以及一切細情無從懸揣想係遺漏故未敢遽行書奏務祈將合同卽日寄示一面切囑美公司務由鄂粵兩頭同時開

工爲善望速電復至禱

寄張香帥

五月十八日

粵漢全約二十六年十二月已咨送尊處請查閱鄂湘  
粵三省同時開工自屬極好美總辦云現今美國看中  
國局勢不振洋債難還路款觀望本不能開辦因我處  
催急各董先墊美金三百萬元只能先做廣州至佛山  
三水因此小段生意必好迨至佛山即可售第一起票  
得一千萬金方能開辦湘鄂此時徒急無益若必欲同  
時開工則必決裂等語屢接伍使函電亦以美商照此  
約借款甚難切囑通融免致悔約等語總之宣承此重



任恨不速成以了經手然局勢無可如何只能走一步  
是一步頃美總辦催奏甚急謂到華已久帶來洋匠甚  
多虛糜薪水恐美公司不認等語請速賜鈞裁電復至  
禱

又五月二十日

粵漢鐵路歸美國代造若非奏准在先必落他人之手  
五十年再歸本免得年年分還於今日國勢尤相宜現  
因售票難先墊款造一小段以樹風聲伍使函謂不如  
此必中變乞查閱續約速賜電復以免決裂葛利帶人  
甚多催甚急也

香帥來電 五月二十一日

粵漢鐵路合同已檢閱惟須切實與之要約務照第十八條五年之限全工告竣不得逾限第一期票售出後必從速將自武漢至長沙六百餘里鐵路趕辦爲要奏稿已書奏請卽發

寄外務部 五月二十九日

粵漢鐵路美公司續訂合同已會奏此路爲英法所覬覦中堂在北洋任內香帥彼此往返電商擇定美國借款自造以聯盧漢而保利權期五十年歸本可紓財力此合同似最穩妥美總辦到滬已久伍使來電美廷催

辦甚急現看美國交情尙真毫無侵越之意此約似宜  
早請核准以答美誼奉 旨後乞速示以便電美

外務部來電

六月初三日

俄使照稱京沽電線大北公司願照約交還須與  
大東公司同辦若獨行撤退恐該線全歸大東公  
司各不相宜等語查大北公司旣願交還電線應  
由尊處商令大東公司一律交還以免藉口前已  
咨達俟咨到速電復

又

六月初三日

上年新約議定稅則切實值百抽五葡本未與議

今派使來京修改條約亦允照辦惟須索利益補  
報擬由澳門造鐵路至廣東省城本部業詢粵省  
茲據復稱尙無妨礙擬卽照准惟此路將來必與  
粵漢幹路相接故特電達尊處是否應向美公司  
聲明卽電復

寄外務部 六月初四日

屢催英國歸還京沽電線一味拖宕大約彼因俄有恰  
線相通難保不作別樣要挾容再相機設法俄文似可  
緩復

又 六月初四日

據電局參贊朱道稟稱聞俄國欲將烟台一頭之旅烟水線搬入領事署內卽擬咨外務部查此事與准其自行設局無異萬不能准請速電部預防等語查電局與各國合同載明界限甚清近惟法國水線至廈門上岸電局正與理論若俄線上岸設局恐各處效尤主權有礙乞酌示

又六月初四日

葡索造鐵路意在推展澳界圖佔香山如必允所請祇可照九龍鐵路辦法由葡借款築造作中國枝路至多澳界之內准其自設車站似須訂立合同以清界限而

保主權至美公司尙可與商乞酌行

外務部來電

六月初八日

會奏粵漢鐵路摺到奉 旨交議經本部以條款均屬可行應請准如所擬辦理今日復奏奉 硃批依議欽此除照會美國公使外希轉電伍使

寄外務部

六月二十九日

裴式楷接赫電葡國現在須立條約前電復陳粵澳鐵路須照九龍立約能否照辦怡和現派璧理南來滬商訂滬甯各鐵路正約澳門事亦恐關係援引

又七月初三日

五月二十八日大咨津沽電線據俄使照稱大北公司願照約交還自應速與大東公司妥商令其一律交還等因查二月初八大咨英使請將大沽至京陸線由大東辦理歐洲至京來往過海電報當卽派洋總管到京與薩使而商總屬支吾推宕現天津交還以期斷難再緩特致薩使一電另呈鈞核應請卽日函致薩使飭大東如約交還一面可派大東來滬和衷商議以昭和睦而免決裂寄薩使電文如下查京津沽水線電局按照一千九百年十月二十六號所訂合同應由東北公司交還電局電局所索實爲公允前因勉順台命交還一

事已緩數月現查天津都署管理地方之權已定八月十五號交回華官是合同所載地方照常平靖現實已至其時爲特奉告貴大臣所有京津沽線局亦應定於是日按照電局洋參贊於三月二十五號呈交貴大臣之節略辦法一律交還並請將俯允之台命知照水線公司遵辦查水線公司尙有增索之事須待電局允准始肯將上指合同克踐照行惟業經簽押蓋印之合同而必待新得額外利益方肯踐行實屬有背公道應請一面照合同交還本大臣自可允與大東公司和衷商議以昭睦誼



北京英薩使來電

七月初五日

初三日電悉請將京津沽陸線與天津同期交與  
總局云云當經轉電本國政府應俟回電貴大臣  
於交還總局後應允與大東和衷商議一節本大  
臣亦已閱悉如貴大臣查閱六月十三日致外務  
部文牘便知本國政府甚願大東務與大北並得  
相同利益之至意蓋大北已得恰克圖陸線合同  
之利權較大東獲益頗巨也

岑雲帥來電

七月初七日

朝旨以川省匪亂災振假煊川節自維菲才懼勿

勝任所尤苦者晉川隔閼太甚情形毫無所聞我公全局在胸懇請將川亂情形及目下應如何辦法詳電賜知感叩再煊致川電久不得復是否電桿被匪毀壞乞示並懇飭各電局遇有煊與川省官紳往來電文務勿稽壓錯誤尤感

寄太原新簡川督岑雲帥

七月初八日

公晉兼圻節麾所指小醜必易蕩平樂帥江電此間拳匪起於資陽次及安岳以至金堂仁壽等處妄託邪術究竟不敵槍礮計已先後陣斃一千餘人現在安岳仁壽業已平靜資陽尙有匪蹤金堂漢川各匪竄聚未散

昨復多調官勇三路圍剿期早撲滅不使蔓延被害平民教民先後據報約有數百人云又初四電旨四川南充等處荒旱災區甚廣著部撥銀三十萬兩交奎岑飭屬散放云成都至滬滬至晉電甚通已一面飭各局遇尊處官電不准稽壓公何日入覲如由正定當飭鐵路伺應

寄外務部

七月初十日

奉五月二十八大咨津沽電線既據俄使照稱大北公司願照約交還自應速與大東公司妥商令其一律交還等因當即徑電英薩使向彼索還並達大部昨接薩

使復電如貴大臣查閱六月十三日致外務部文牘便知本國政府甚願大東務與大北並得相同利益之意蓋大北已得恰克圖陸線合同之利權較大東獲益頗鉅等語薩使並託馬使前來面告恰線偏益於俄勸中國必宜持平因思俄使照會旣欲藉英線不還爲宕局而我從前合同實稍偏於大北此時度理揆勢不能不允英所請頃已復薩使函稱大東如允七月十二日將沽津京電線交還電局則電局允大東於京津局申派駐稽察人員查察英國電報經費由大東自給嗣後大東如爲該公司利益起見欲於京沽專用一線一經知

照電局當查照與大北所訂合同准給之利益一體照准等語如大北再有藉詞不交當再電達折之以理

外務部來電

七月十一日

今午一電計達頃英使來言與尊處商定明日即交收電線惟俄使口氣大翻謂恰線係從前所定並非於交線時強索利益若尊處允大東添一線必至掣動全局關係甚大恐難當此重咎萬勿接收至要

又

七月十一日

俄使照稱京沽電線東北公司應照約一律交還

不求他利現聞大東公司在滬商訂新合同擬交還電線後另修京沽一線似此違背二十六年九月初四原約應行拒阻等語查京沽電線交還中國照約不應另索利益俄恰線議訂在先與此無涉如許英額外利益俄必不肯照約交還希統籌辦法萬勿輕許以免牽掣並卽電復

寄外務部

七月十二日

奉兩真電英使允交收電線而俄使謂恰線係前定並非交線時強索貴部恐掣動全局令勿接收自當遵照惟京恰借線實因亂時代造京沽線大北強索酬勞雖

有合同尙未批准大北屢催告以須交線後方能請部  
核准亦慮大東效尤也二十九日俄使照詢有貴部華  
電局與大北何時可畫押貴親王及本大臣何時批准  
之語可見案尙未定電局與大北大東前有接線齊價  
合同後有代造滬烟沽海線合同皆載明英丹兩公司  
利益均平此次代造京津沽陸線亦係兩公司同辦斷  
不能丹借京恰線而英不借京沽線因官商出洋電報  
以京爲大宗英海線資本獨重決不肯盡讓與恰線也  
又齊價合同華電局與大東北三公司均分在電局亦  
何能顯分厚薄此英請與丹一律辦理斷難不准之情

形也當亂時先允大北借恰線者因大北應允事平必可與大東一同交線乃大北無此權力則亦何能獨享此權利俄使五月二十四日照會一味推諉可想而知俄使翻面亦早料到然借恰線則洋電過俄俄得大利俄必不願廢前約又海線速於陸線齊價合同大北沾利最厚大北亦不願廢前約昨已告知大北如丹不交線先廢恰線合同並願將齊價接線舊合同全廢頃接大北來函云大北深願和衷議結並願將恰線合同所得之權利如俄國允許即可酌量分與大東等語是大北深知大東應得分沾出洋報利益亦深慮我廢恰線



合同我亦徑告知馬使如恰線不借則津線亦不借現已函致兩公司屬其三面商議擬請貴部摘要渾含照復俄使並請聯侍郎面告俄使我欲盡廢前約以恫喝之總之電線交涉向由敝處辦理呈請政府核准似可仍援舊案概推敝處實以先後曲折太多一言難盡以管見度之斷不致決裂惟望貴部堅持電復

外務部來電

七月十七日

正太鐵路前由晉撫奏請歸并盧漢公司辦理復據璞科第面稱願向尊處商辦經本部於五月間函達在案現璞科第謂滬行總辦經請面商未晤

請電尊處早與商議等語查此段鐵路開通盧漢  
正幹聯爲一氣俄商旣願歸併切勿拒阻希與妥  
商並先電復

寄外務部 七月十七日

正太鐵路歸併盧漢係屬正辦前奉函電專俟璞科第  
商辦昨滬行總辦接晤始稱璞不來滬准歸該總辦定  
議當卽詢其原合同載明准借二千五百萬佛郎克新  
合同何以改借四千萬佛郎克相去甚多彼云大約因  
復勘路有不同告以照新合同係屬 國家鐵路借款

旣歸總公司督理必須切實屬將勘路圖說交來核算

是否確需四千萬佛郎克之多其餘條款須照盧漢自  
不難商定彼已應允照辦此係已定之局決不拒阻但  
期周密妥當而已請告璞科第電滬行總辦和平詳議  
寄京外務部津袁慰帥甯劉峴帥鄂張香帥

七月十七日

馬使密告接英廷電上海所留英隊願撤退並與德法

日商定同退一俟商約畫押即可撤退云謹密聞

長沙俞廩帥來電

七月二十六日

年來長沙城關教堂林立各屬亦日推日廣傳教  
游歷幾於無處無之保護調和煞費苦心恐各地  
方官疎忽每月餘必以嚴札手函告誡一次乃日

前訪聞辰州因疫重起謠竟有斃英教士兩命並  
傷郵政局辭姓之事因該處距省八百餘里由省  
派員緩不濟急特由六百里飛飭辰沅道莊賡良  
帶兵親往查辦復派參將張嘉鉅帶發字一旂由  
省馳往緝拿彈壓手繕切要辦法數條一優殮被  
害教士一查明此外如有受傷教民人等妥爲醫  
卹一查明毀失物件照追估價一嚴拏倡首正兇  
不許一名漏網一彈壓地方不准聞風效尤加派  
俞道明頤偕英副領事翟蘭思親往查勘一面將  
保護不力之地方官奏參現據稟獲犯十名正犯

張白狗張永太二名業已訊實正法謹將大畧電聞敬乞指教而維持之幸甚

外務部來電

七月二十九日

俄使復催恰綫定約並謂奉省撤兵期近必須該約早定以便將東省電綫續行交還等語東北兩公司事希飭安速商明定議明知今日商約事煩未暇議及但俄使意在牽制亟應早爲了結以免藉口萬勿延擱卽電復

寄外務部

八月初一日

京沽電綫因北東互求利益迄未收回華電局喫虧甚

鉅亟求了結但不能不顧後來頃據大北函稱丹總公  
司日內必有報到再行定奪等語恐其尙有商改處大  
北貪得無厭大東必欲效尤現已告知大北如再不交  
還是違一約則以前電約俱應作廢大北聞此方稍和  
平今俄既來催卽請貴部復告俄使請其速催大北公  
司照約前來辦結敝處決不延擱

寄天津袁慰帥

八月初七日

英國商約初四畫押另函詳達京沽陸綫庚子年隨滬  
津水綫由大東大北代辦現應照約收回而英俄互相  
要挾月內或可議妥六月間函復北洋官綫擬請援照

照廣東辦法實爲官商兩益起見如尊意仍欲分開兩局亦無不遵照乞示

寄外務部

八月初八日

現與北東兩公司商議借綫合同只候兩國回電便可定議必須兩公司同日畫押再請貴部同日核准並須約定兩國將京沽綫同日交還以免枝節

外務部來電

八月十二日

中俄接綫展限一事前據尊處三月效電已催令商董會議嗣准俄使送到續約底槩於五月間鈔咨尊處現俄使欲將展限合同與借綫合同同日

辦結究竟展限事商董會議已否允洽亟應預籌  
辦法一俟借綫合同咨到卽由本部將展限合同  
一并核准以免參差希統籌電復

寄外務部

八月十三日

中俄接綫展限合同第一第二第四款擬照辦惟第三  
條內所載中俄兩國專遞來往電報之資應行同時跌  
減並跌減細數應於一千九百三年倫敦公會之後訂  
定一節查中國電局尙未入萬國電報公會其跌減電  
資數目應改爲由中俄兩國政府商定之後卽行跌減  
似較妥洽據商董會議稟復前來一俟借綫合同議妥



一并呈送再請同日核准乞先告知俄使

又 八月十九日

正太鐵路已遵 旨與華俄銀行議妥借款五釐息總數四千萬佛郎克如有餘剩繳還中國 國家限三年完工工程未完之前利息即在借款內支付自售票之第十年起分二十年勻還如限期已屆尚未全清可再展緩如限未滿先已還清則合同亦可銷廢其餘各節大概均照盧漢辦法惟盧漢粵漢津鎮均照津榆材料進口准免稅釐票據進出概免捐稅該銀行堅請照辦但恐嗣後各路援請關稅印花稅不無損耗此節准否

乞速電示璞科第電催甚急三日內即可奏復請 旨  
核定再行畫押

又 八月二十六日

大北借用京怡陸綫合同俄使更改將可議妥大東來  
函借用京沽陸綫合同該公司亦已交英使辦理等語  
彼等無非欲藉國勢挾制除徑電薩使催辦外乞貴部  
向俄英兩使署一催俾京綫於西十月初交還爲禱

寄川督岑雲帥 九月初二日

據川紳李岷琛宋育仁等公稟蜀中被災六十餘州縣  
旣飢且亂請撥數萬金趕辦振撫前來台端履新伊始

諒已多方籌濟弟素承雅愛尤當勉盡棉力查去年因  
陝振派員赴各省及南洋各島勸捐悉索敝賦續繳尙  
有實銀六萬兩已經報獎應作例銀十二萬本年江皖  
水災峴帥勉帥仲帥曾會奏撥銀三十萬在案川災重  
勞聖厯援辦必可邀准如尊處尙需此款請卽擬會  
銜電奏先電敝處酌照前案附列賤名代發以期仰體  
仁心並副諸紳之屬

岑雲帥來電

九月初四日

川省被水被旱被雹九十餘州縣川北連年荒歉  
災情尤重前蒙 恩賞三十萬兩勻撥各屬幸願

目前然冬振春撫爲日方長災廣振繁尙須鉅款  
況拳匪未靖尤須急辦振撫免致飢民勾煽正以  
款無從出電奏請 旨開辦振捐忽奉電音允撥  
六萬在我公關心大局畛域無分而煊感紉之衷  
曷有極耶應請主橐卽挈名電奏勞瀆悚感

寄長沙俞虞帥 九月初五日

艷電示賀已懲辦可謂神速徧告中外無不欽佩前案  
弟本密託馬凱致意英廷今亦函告使其折服則諸事  
易辦蔣少穆持示湘礦奏橐藉杜覬覦近見亨達利等  
開設武昌礦務公司股章內稱承辦湖南及鄰近各省

之礦共七十一處均由湖南官長批准等語似與尊疏不符弟想開礦資本急則難籌緩則不及當以勘礦爲先現已自聘英國頭等地學礦師擬訪擇佳礦帶領勘度繪圖立說先將礦地購買歸入中國公司權力方能自我而操蔣道面呈長岳兩屬礦地清單擬飭該礦師就赴萍鄉之便往勘購地歸公以爭先著如公以爲然乞電示再與蔣道商辦

俞中丞來電

九月初七日

日前礦局得蔣少穆儉電知承公商請英國礦師來湘便道勘長岳兩屬礦山甚荷已檄飭保護並

派員導引矣購地歸公最爲要著正擬徧勘擇尤  
辦理卓見既屬相同祈與蔣道先行酌商俟其回  
湘再與諸紳會議妥辦至亨達利一節該行承銷  
湘省礦砂已歷數年噸數均有限制並無許其辦  
礦之事所稱批准承辦或有華商朦稟意存影射  
亦未可知尙當設法挽救盡慮所及仍乞以時惠  
示爲盼

寄俞中丞

九月十一日

辰案所索三端賠卹萬鎊諒可酌減懲辦罪員按和約  
第十款載明 上諭如復滋傷害諸國人民之事該管

之員永不敘用今欲加重徒流似亦不妨酌議大凡領事等必欲加重見好於彼上司公宜電懇外務部與薩使商減上海滿領事無權干預馬凱回國尙在途中難以通電香帥與漢英領事甚聯絡二十日由鄂起節似可切懇其面與英領商減乞備參酌

寄津袁宮保

九月十三日

廣東官綫歸併商局代辦奏案已向粵局鈔到另函附寄奉省電綫已派員與俄使及兵官商允交還查錦州至奉省本來官商各有一綫奉至營口又奉至邊門係官綫奉至吉林係商綫可否均由敝處派員收復公若

允歸併商局代辦則本屬官綫之局收款支款均報尊處盈絀仍歸於官但如天津錦州奉天兩局併爲一局大可節省開銷否則收復之後仍將原有官線交官另設官局辦理亦無不可乞酌示

寄濟南周玉帥

九月十四日

英約刊本已函寄鼓鑄以銅鉛爲急需淄川鉛礦極佳張勤果用土法開辦惜中止此礦能否歸中國招商自辦抑已爲德國開辦弟託羅稷臣請到頭等勘地礦師現赴兩湖勘礦現擬設立勘礦總公司併集官商股本一百萬兩須將產礦之地歸中國自買由礦師繪圖立



說編列字號咨送外務部路礦總局照新章招商請領  
牌照或以地作股或以地採租一以保全礦地之主權  
一以收回外溢之公利如尊見以爲然乞速電復當咨  
送章程請酌附股分東省有何處美礦尙及保全者否  
並懇速示

寄外務部

九月十四日

正太鐵路合同已將奉 旨依議日期填入於本日畫  
押蓋印據華俄銀行總辦請卽由貴部照會俄使以便  
開辦等語現已令其代聘總工程司到滬訂立辦事合  
同並咨明直督晉撫矣

周玉帥來電 九月十五日

山東德華鐵路公司招股山東已訂買三百股每股合一千馬克照現時價合十二萬五千兩力難多買此事有關華商利權公應主持請招商附股或暫撥公款買若干股望向滬德華行商辦現德人爭買遲恐賣盡

又 九月十五日

勘礦事早應辦公創此舉願力甚宏感佩謹遵命附末望寄章程山東礦產除德人佔煙台諸城沂州沂水濰縣五處外可採處尙多附鐵路旁半里

華人仍可開採現擬派羅惺臣等通查酌買地段  
擇要試採恨力薄難大舉淄川鉛苗不旺且在路  
旁半里外

寄周玉帥

九月十七日

德華礦股權已旁落華商略附無甚益處趕緊自購礦  
地保守主權誠如公論早定爲妙容將奏稟咨商請先  
密飭各屬查明產礦之地登記如須公司派礦師來勘  
請先開單密示地名再容會商派員導引傳聞淄川博  
山各礦德人已用華人名買地不少祈再密查

寄外務部

九月十七日

二十四年與英商怡和匯豐所訂滬甯等處鐵路草約  
彼以特戰我以拳亂擱置已久倫敦現派璧利南來滬  
接議詳細合同因慮三年後還款爲難已三易其稟屢  
議屢輟現照粵漢辦法另議磋磨數月頃怡和來言似  
可允洽是否卽與逐款商訂再將酌改不同之處先行  
請示貴部核妥再行入奏請 旨定奪乞速電示

長沙黃花農臬使來電

九月十七日

辰案現已託香帥轉囑辦官一層約可減等商議

俞中丞來電

九月十七日

據總辦湘礦局司道呈湘省商辦各礦一經稟定

照章應給局帖別無執照惟領帖之後三箇月未經開辦除將局帖追還外仍查訊原稟商人有無藉帖誑騙情事分別究辦條載帖內近數年來各處商民稟領局帖有三十餘起概因逾限未經開辦已由礦局飭縣追繳如未繳到一律作廢通行在案近據阜沔沅豐兩公司紳董疊次函電聞有等奸商執持廢帖前往滬漢一帶任意誑騙若不剴切示諭必有中外商人被其欺哄相應咨請出示曉諭並照會各國領事如有內地商人持湘省礦局廢帖欺騙洋商卽時斥退並告知中國地方

官拏獲照例嚴究現在湘省礦山奏定設立阜湘  
沅豐兩總公司公舉紳董承辦頒有關防全省礦  
產凡屬未經開採者概歸兩總公司經理如有各  
省官商願附股分務須認明以昭慎重並請聲明  
庶免外商誤受欺騙盼切施行

寄俞中丞

九月十八日

頃接京電英使照會外務部辰州教案辦理不善請奏  
辦又聞英意甚堅如辦理遲延恐於地方大員有礙云  
前因香帥與英漢領事向極聯絡如允用力或可通融  
未知有無實信昨朱菊尊面稱辰州有一武官確有不

是請速妥籌寶慶事辦理神速已代登洋報各國於尊處公論尙好惟戕敎鉅案彼必不肯放鬆恐各省再釀禍也公宜細審

外務部來電

九月十九日

滬甯鐵路合同改照粵漢辦法應與怡和逐款妥商並將酌改之處電知本部核辦

寄慶親王

九月二十日

據盧漢鐵路監督鄭清濂電稟 西陵鐵路經該道同

盧漢行軍總管普意雅估計需款九十餘萬已奉

懿旨在大差經費內籌辦頤和園鐵路歸盧漢承辦西

山運煤鐵路請急電商外務部等語 西陵係另籌經費如卽令代辦十月間總工程司來華卽飭北上聽候調遣頤和園鐵路造費無多惟入直人員不取車價則養路之費無着如准由盧溝橋造一枝路至西山運煤可將西山餘利抵支淀園養費統乞鈞裁示遵

寄外務部 九月二十日

頃奉九月十三日咨福公司催辦懷慶至浦口鐵路如售完股票與盧漢並無妨礙自應酌定辦法等因查三月奉公函後卽飭比公司議復彼總執定盧漢有礙雖股票勉強售完倘路利俱被分奪轉盼攤還借款何以



作抵又云盧漢開工之後卽有鎮津南達江北通海利  
已奪去一半不得已請由保定達天津又爲英阻今英  
又力請由豫達江直欲使盧漢生機盡窒等語查各國  
鐵路皆由自主中國窮於財力借助外人自應先定幹  
路若干條由國家借款興造其餘枝路仿照日本成  
法准華商籌款接造由短而長由近及遠庶可有益無  
損今若由各國擇地請造仍要中國還款方能收回路  
權彼竟祇顧自己造路之利不顧我還債之難恐全球  
無此辦法中國獨喫此虧昨哲美森函致總公司參贊  
陳善言催詢辦法已復其如果實無相賽之虞轉能互

有利益總公司自可與彼熟籌商辦但總不能有礙幹路利權以致國家受負債重累等語此事即使通融結束亦必須令福公司與廬漢總公司妥商相接之法許立合同千萬不可即允其所請致受鉅虧又生波折除函復外謹先電達

寄北京外務部天津袁宮保武昌張宮保

九月二十二日

伍使馬電稱查賠款約第六款丙字內載保票以後分作零票由中國特派之官員畫押等語倘零票內有註金數或還金字樣萬勿允押函詳乞轉外務部慰帥喬帥轉告該員等語查還銀一事辦到如此幸賴美國之

力宣近與伍使電商美廷將賠款應照附件還本息表  
歸還列入商約接伍使復電居然商允古納亦已密允  
列約如得一國列約照表載關平銀兩乃可坐實以後  
零票切不可露金字以致前功盡棄事關鉅要用敢縷  
陳乞鑒納

袁宮保來電

九月二十三日

奉十八日

寄諭明春擇吉祇謁

西陵若由新

城縣之高碑店接造鐵路直達易州之黃新莊往  
來簡便省地方供應之煩着袁世凱速卽派員覈  
實勘估尅日趕辦限六箇月內報竣毋誤要工欽

此等因自應欽遵籌款由中國自辦惟此項鐵路  
與盧保官軌枝幹相接如轉運料物等件均需尊  
處派員協助除分行外務請轉飭遵照爲叩

寄袁宮保

九月二十四日

西陵鐵路尊處督辦所需路料鄂廠恐趕不及均請主  
裁家嚴體氣素健入秋胃納漸減並無疾病忽患關膈  
不通醫治無效痛於二十三日棄養宣懷遭此事變萬  
死莫贖生平知己文忠而後莫如我公現在商約尙未  
竣事鐵路商務責任重大均宜遴派賢員迅速接辦伏  
乞密電政府主持叩頭感泣

寄濟南周中丞

九月二十四日

家嚴於二十三寅刻棄養宣懷侍奉無狀百身莫贖現  
已由呂大臣恩中丞電奏所捐東振銀一萬兩可否叩  
求卽日電陳不敢仰邀 恩典惟先嚴由進士歷任司  
道以重宴鹿鳴 特賞侍郎銜居鄉倡建蘇常栖流所  
養窮民無告者設善堂醫局無善不爲並仿照朱范文  
正公建立義莊曾文正爲請於 朝又嘗手輯 皇朝  
經世文續編行於世向來各省每遇災荒莫不諭令宣  
懷首先勸捐派義紳前往查放今病中間東省災歉命  
將歷年積存萬金匯交尊處以拯極貧臨終惟以盡心

爲國竭力救人爲諭不及其他痛哉宣懷生平知己無多公是故交易敢不告

袁宮保來電

九月二十四日

時艱方殷我公遽悲失怙凱分居猶子南天引領涕泗交橫夙稔孝思哀痛曷其有極務望爲國自重勉相抑制是所至禱商約商務鐵路諸務均關重要卽公自揣亦復難得替人凱明早卽當首途仰屋躊躇徒增時事之感倚裝奉唁不盡欲言

王中堂來電

九月二十五日

以憂去官心安理得路電兩事似宜由南皮奏請

派員接辦敬唁孝履節哀自重

又九月二十七日

尊事北帥尙未有電南帥謂商約緊要非百日後不能辦事調伍加袁卽照所請也餘未提他事此時且俟後命各項經手事件未有替人以前姑靜聽之

外務部來電

十月初一日

接綫展限合同一事前接尊處咸電當經函致雷使頃准照復已接本國電傳給予全權將該約簽字畫押又聞丹國公司合同在滬已經訂妥該兩

項合同一經簽押批定後卽將電局交還中國但英公司亦應同時交還等情希查照商令大東公司同時交還以免兩歧並電復

又十月初一日

現准英使照稱正太鐵路歸盧漢公司訂定合同  
福公司請修懷浦鐵路亦願照此辦理該路經過  
黃河與盧漢過河之處相近該公司願與和商共  
攤渡河一切費用並會辦他項節省之端以期互  
得利益等語希酌核電復



愚齋存稿卷五十八